



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj:10-33- 32093-70 /24
Sarajevo, 09.12.2024.godine

SKUPŠTINA KANTONA SARAJEVO
Služba za Skupštinske poslove

PREDMET: Odgovor na zastupničku inicijativu-dostavlja se

Zastupnik Davor Čičić je na 16. radnoj sjednici, u okviru tačke Dnevnog reda „Poslanička/zastupnička pitanja, inicijative i odgovori“ uputio inicijativu a koja se odnosi na dopunu Uredbe o obimu, uslovima i načinu ostvarivanja prava osiguranih lica Kantona Sarajevo na medicinska sredstva u dijelu obezbjeđenja sredstava iz oblasti asistivne tehnologije za osobe sa različitim invaliditetom.

U vezi sa dostavljenom inicijativom, Ministarstvo zdravstva Kantona Sarajevo dostavlja sljedeći

ODGOVOR

Aktom broj 01-33-5-39922-2/24 od 05.12.2024.godine Zavod zdravstvenog osiguranja Kantona Sarajevo je dostavio Ministarstvu zdravstva Kantona Sarajevo odgovor na zastupničku inicijativu koju Vam dostvaljamo u prilogu. Iz odgovora je vidljivo da se medicinska sredstva iz oblasti asistivne tehnologije mogu obezbijediti na osnovu pojedinačnog zahtjeva upućenoj Komisiji Zavoda zdravstvenog osiguranja Kantona Sarajevo.

Ujedno Vas obaviještavamo da je Ministarstvo zdravstva Kantona Sarajevo dostavilo Zavodu zdravstvenog osiguranja stav da je inicijativa opravdana te da je potrebno iznaći mogućnost obezbjeđenja sredstava za ovu vrstu tehnologije, prvenstveno za djecu a onda i za odrasle iz razloga što asistivna tehnologija obuhvata sva tehnološka sredstva koja omogućuju učenje i komunikaciju, te podržavaju samostalnost osoba s invaliditetom što uključuje i omogućavanje usluga i sistema koji uklanjaju prepreke za bilo kojeg pojedinca da aktivno sudjeluje u društvu, komunikatori predstavljaju sredstvo koje je neophodno za osobe, odnosno djecu s invaliditetom u osiguranju komunikacije, pristupa obrazovanju i eventualno mogućnostima zapošljavanja. Ova tehnologija namjenjena za osobe sa motoričkim teškoćama u vidu komunikatora sa softverskim rješenjem za potpomognutu komunikaciju, tekstove i simbole pretvara u razumljiv govor, a omogućava i korištenje kompjutera. Postoje i komunikatori koji omogućavaju široku primjenu u svakodnevnom životu osoba s govornim teškoćama. Upotrebu nalazi u poticanju komunikacije, vježbanja govora i artikulacije, izražavanja ličnih doživljaja i osjećanja, ali i kao potpora svakodnevnim aktivnostima. Ova vrsta komunikatora namjenjena je za osobe sa oštećenjem sluha (glasa, govora, jezika). Dopuna Uredbe bi se odnosila na obezbjeđenje sljedećeg:

- jednostavni komunikatori - srednjotehnološka sredstva koja omogućavaju snimanje jednostavnijih uputa i kraćih poruka koja su najpogodnija za ciljane komunikacijske situacije ili upotrebu u usvajanju edukacijskih ciljeva. Riječ je o širokodostupnim uređajima različite vrste ali sa uvijek istom svrhom a to je upotreba u komunikacijskoj situaciji posebno kod korisnika koji imaju očuvane sposobnosti razumijevanja uputa ali su neverbalni



- softveri za komunikaciju - Softveri koji sadrže stotine ili hiljade gotovih predložaka za komunikaciju koji po zadatim područjima ili ciljano konstruisanim predlošcima omogućavaju vrlo jednostavno korištenje kako za korisnika tako i za njegovu porodicu. Mogu se instalirati na laptope/računare ili tablete. Pogodni su za korištenje kod osoba sa dobrim razumijevanjem upute, dobrim motoričkim sposobnostima i u svim društvenim situacijama. Također, mogu se koristiti kod osoba sa ograničenim pokretima ali u tim situacijama su potrebni dodatni uređaji koji su kompatibilni sa navedenim kao što su uređaji i pomagala za pozicioniranje dijelova tijela, kontrolu komandi, specifične tastature, prilagođeni miševi i sl

- uređaji za podršku komunikaciji kao što su uređaji za praćenje pokreta očiju u cilju komunikacije odnosno korištenja i upravljanja komunikacijskim softverom.

Ministarstvo zdravstva Kantona Sarajevo je od Zavoda zdravstvenog osiguranja Kantona Sarajevo tražilo da još jednom razmotri dostavljenu inicijativu u cilju otklanjanja barijera koje sputavaju ove osobe, iznađe način da obezbijedite komunikatore (hardwer i softwer) sa interaktivnim aplikacijama za neverbalnu djecu/osobe radi komunikacije sa okolinom, kao i za osobe sa motoričkim teškoćama, čime bi se kvaliteta njihovog života značajno poboljšala, osigurala samostalnost i mogućnost zapošljavanja, da kao punopravni članovi društva mogu dati puni doprinos.

U slučaju da na dostavljenu inicijativu zaprimimo odgovor Zavoda zdravstvenog osiguranja Kantona Sarajevo koji je drugačiji od dostavljenog, o istom ćemo Vas naknadno informisati.

S poštovanjem,




DOSTAVITI:

- Naslovu
- a/a



6727

Broj: 01-33 8-39922-2/24
Sarajevo, 05-12-2024



Skupština Kantona Sarajevo
Reisa Džemaludina Čauševića 1
71000 Sarajevo
Bosna i Hercegovina

n/r Elvedin Okerić, Predsjedavajući Skupštine Kantona Sarajevo

Predmet: Odgovor na zastupničku inicijativu Zastupnika Davora Čičića – dostavlja se

Poštovani,

Slijedom zaprimljenog akta broj 01-04-32093-70/24 od 18.11.2024. godine, kojim je Zavodu zdravstvenog osiguranja Kantona Sarajevo dostavljena zastupnička inicijativa, Zastupnika Davora Čičić, da se pokrene proces proširenja liste pomagala u skladu sa članom 7. Uredbe o obimu, uslovima i načinu ostvarivanja prava osiguranih lica Kantona Sarajevo na medicinska sredstva, kojim bi se obuhvatila dodatna sredstva iz oblasti asistivne tehnologije za osobe sa različitim invaliditetom, obavještavamo Vas kako slijedi.

Uredbom o obimu, uslovima i načinu ostvarivanja prava osiguranih lica Kantona Sarajevo na medicinska sredstva ("Službene novine Kantona Sarajevo" 22/20, 30/21, 42/22, 48/22, 21/23 i 1/24) utvrđen je obim, uslovi i način ostvarivanja prava osiguranih lica Zavoda zdravstvenog osiguranja Kantona Sarajevo na korištenje medicinskih sredstava koja se osiguravaju na teret sredstava obaveznog zdravstvenog osiguranja.

Članom 7. pomenute Uredbe propisane su specifične medicinske indikacije i prava na medicinska sredstva, koji glasi:

- (1) U slučaju specifičnih medicinskih indikacija, osiguranom licu izuzetno se može odobriti određeno medicinsko sredstvo u zavisnosti od njegovog zdravstvenog stanja i oboljenja, a koja nisu predviđena ovom uredbom, a ista su mu neophodna za kvalitetniji život.*
- (2) Odobrenje medicinskih sredstava u slučaju iz stava (1) ovog člana predlaže Komisija koju formira Upravni odbor Zavoda i koju čine specijalisti odgovarajuće grane medicine, a konačnu odluku, u zavisnosti od raspoloživih finansijskih sredstava, donosi direktor Zavoda na prijedlog Komisije.*
- (3) Uz zahtjev za odobrenje medicinskih sredstava iz stava (1) ovog člana, osigurano lice je dužno dostaviti medicinsku dokumentaciju sa detaljnim obrazloženjem medicinske indikacije, koju daje isključivo ovlašteni ljekar određene specijalnosti koji je i preporučio predmetno medicinsko sredstvo, uz mišljenje prema utvrđenoj proceduri odobravanja i propisivanja.*

Shodno navedenom iz člana 7. Uredbe, može se utvrditi da je potreba za medicinskim sredstvima, koja nisu predviđena Uredbom u slučaju specifičnih medicinskih indikacija, sistemski riješena.



Naime, s obzirom na to da je Uredbom teško definisati medicinska sredstva iz oblasti asistivne tehnologije, a koja bi zadovoljila individualne potrebe/mogućnosti osiguranika sa različitim smetnjama i teškoćama (vrstu opreme, software, tehničke karakteristike uređaja,..), odnosno koji bi pokrila širi spektar oboljenja u kojim se može koristiti (*Asistivna tehnologija za osobe sa motoričkim teškoćama; Asistivna tehnologija za osobe sa oštećenjem vida; Asistivna tehnologija za osobe sa oštećenjem sluha (glasa, govora, jezika); Asistivna tehnologija za osobe sa teškoćama u učenju; Sredstva za rekreaciju i slobodno vrijeme*), ova odredba Uredbe omogućava da osiguranici koji imaju potrebu za predmetnim pomagalicama, ista ostvare u skladu sa njihovim stvarnim potrebama.

Svjesni prednosti koje donosi korištenje asistivnih tehnologija u svakodnevnom životu korisnika, kao i okoline, Zavod će u skladu sa Uredbom razmotriti svaki podneseni zahtjev, te kontinuirano nastaviti raditi na unaprjeđenju prava osiguranih osoba i vršiti stalne analize iznesenih prijedloga s ciljem daljnjeg unaprjeđenja prava svih osiguranika.

S poštovanjem,



DIREKTOR


Mr.sci.oec. Muamer Kosovac

Dostaviti:

- Naslovu;
- ① - Kanton Sarajevo, Ministarstvo zdravstva, Reisa Džemaludina Čauševića 1, 71000 Sarajevo;
- Služba za medicinske poslove;
- Služba za kvalitet i nadzor;
- a/a;